



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

1. Auctoritas Concilij Pisani à Maimburgo adducta.

urn:nbn:de:hbz:466:1-38277

I.

 **E**bjicitur 10. (a) In Concilio Pisano, quod Anno MCCCCIX. congregatum & peractum est, multis cum scriptis tum exemplis ostensum est, Pontifices Concilio subdi, & ab isto judicari, puniri, damnarique posse. Nam primò cùm quidam in sacro illo Senatu sustinuerint, nullam Conciliis esse in Pontifices Romanos potestatem; Patres eam protestationem derisui habuere, utpote nullo Antiquitatis exemplo fultam. Deinde quidam Petrus Plaust doctrinā celebris, & unus ex Universitatis Parisiensis deputatis, quæ tunc temporis ad supremum gloriae pvererat, egregie multisque rationibus ostendit, multum Ecclesiam supra Pontifices esse, & consequenter etiam Concilium, quo Ecclesia repræsentatur, addidicte hanc esse Parisiensis, omniūque Galliae Universitatum sententiam. Ut primum peroravit, excenditque cathedrā, secutus est Novariensis Episcopus, seque ex suggeſtu ostentans, & voce, quā omnibus intelligi posset, protestatus est, centum & tres Doctores ac Theologiae Licentiatos, qui ex varijs Universitatibus confluxerant, iūstique Cardinalium hanc causam diligenter examinaverant, cum Parisiensi schola in eandem sententiam convenire; imd & Bononiensem ac Florentinam famā doctrināque celebres; & Florentinam quidem scripto libello, quem viginti Doctores subsignaverant, mentem suam expressisse. Tandem re in Concilio maturè, lentèque discussa, Benedictum XIII. & Gregorium XII. quamquam eorum alter verus Pontifex esset, Papali dignitate abdicarunt, initisque suffragijs novum Ecclesiæ Pontificem dedere, Alexandrum videlicet V. quem pro vero Legitimōque Pontifice, & tora ferè Ecclesia, si paucos excipias Benedicto, Gregoriōque adictos, agnovit; & ipse Alexander, quamvis notæ sanctitatis, mortique vicinus, ubi finiri ambitio solet, se verum Pontificem pro-

(a) Maimb. Traittē Histor. ch. 21. f. 184. & du Grand. Schism. d' Occident. N. 4. a fol. 63.

professus est. Patet ergo Auctoritatem Concilij supra Pontificem in Concilio Pisano multis modis ostensam esse. Et verò fuisse hoc Concilium Oecumenicum, & unum ex majoribus conventibus, qui unquam in Ecclesia peracti sint, patet ex numero & dignitate Praelatorum, qui illi adfuerunt: quippe Cardinales quinque supra viginti, Patriarchæ quatuor, Episcopi 182, Abbates 290. inter quos Capita & Generales omnium Ordinum, Magni Ordinum S. Sepulchri, Theutonici, Rhodiorumque Magistri, Universitatum Parisiensis, Tholosanæ, Aurelianensis, Andegavensis, Cracoviensis, Viennensis, Pragensis, Coloniensis, Oxfordiensis, Cantabrigiensis, Bononiensis, Florentinæ aliarumque Deputati: Legati quóque Metropolitanarum & Cathedralium Ecclesiarum supra centum: Theologiæ, sacrorumque Canonum supra trecentos Doctores. Oratores denique Galliæ, Poloniæ, Bohemiæ, Cypri, Siciliæque Regum: Ducum quoque Bavariæ, Burgundiæ, Lotharingiæ, Brabantij, Brandenburgi, omniūque ferè Germaniæ Principum; præter alias Hispaniæ, Arragoniæ, Hungariae, Sueciæ, Norwegiæ, Daniæque Reges, qui tandem Concilio Pisano adhæseré. Ergo quo primū tempore conferri inter se Conciliorum potestas & Pontificum cœpit, tot Regnum, Provinciarum, Universitatum, Ordinum, Doctorum, Episcoporum, hoc est, totius ferè Christiani Orbis vox una & sententia fuit, Pontifices Concilio subesse, ab eoque judicari, puniri, deponique posse. Haec tenus ferè verba Maimburgi ex Gallico translata.

II. Resp. Hæc Maimburgi narratio partim & argumentatio, eodem filo, quo reliquæ hujus Auctoris, contexta est: videlicet ex principijs aut dubijs, aut falsis, semper tamen specie veri coloratis, ut eodem tempore placeant, fallantque incautos? Nam Primò certum quidem est in Concilio Pisano fuisse Gregerium XII. & Benedictum XIII. Pontificatu ejētos, electumque Alexandrum, sed non aequè certum jure id factum, & ex legitima potestate; nec propterea novi Pontificis electione cessavit dubitatio, quis pro vero Pontifice habendus esset: nec sublatum Schisma, imò quod plerique eorum temporum Auctores notant, auctum potius, diffusumque novi Pontificis accessione, adeò, ut cùm prius Ecclesia in duas, postea in tres factio[n]es scinderetur, augente incertitudinem

K 3

Pon-